



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Abbati Et Conventvi sancti Germani Antisiodoren.

urn:nbn:de:hbz:466:1-20006

manifeste, quod in electione tua tanta concordia fuerit animorum, ut ab eo qui fidelium mentes unius efficit voluntatis, omnium vota in unum directa fuisse credantur. Vnde nos paci & tranquillitati Ecclesiae tuae plurimum congaudentes in Domino, eorumque petitioni clementius annuentes, ipsam electionem de te canonice celebratam, auctoritate apostolica confirmamus, & praesentis scripti patrocinio communimus. Nulli ergo &c. Datum &c. ut supradictum, xii. Kalend. Iunij, Pont. nostri anno primo.

AGRIGENTIN. EPISCOPO.

Epiſt. 180.
Quod ipsi licet monasteria transferre ad loca tutiora.

In his que pro religiosorum locorum reparatione requiris a nobis, & que postulas pro statu ecclesiastico conservando, tanto libenter assensum tibi apostolicum impertimur, quanto ad id amplius pastoralis officij debitum nos inducit. Significasti siquidem nobis quod quædam monasteria in tua dioecesi constituta, tempore seditionis inter Saracenos & Christianos exortæ, depauperata, quædam negligentia Abbatum deserta, quædam vero omnino destruta fuerunt, que ad tutiora desideras loca transferre. Insuper in reditu tuo possessiones quasdam & decimas ad mensam Clericorum Agrigentinen. Ecclesiae pertinentes invenisti alienatas ab ipsa, quas intendis ad usum ipsius de auctoritate sedis apost. revocare. Eapropter, venerabilis in Christo frater, tuus precibus annuentes, fraternitatit tua auctoritate apost. indulgemus ut monasteria ipsa cum dignitatibus suis ad loca tutiora cum consilio Metropolitanus tui transferre, possessiones & decimas & alia tam mobilia quam immobilia illicite alienata a mensa Ecclesiae, ad eam tibi liceat legitimè revocare. Nulli ergo &c. Datum &c. ut supradictum, iv. Idus Maj.

ABBATI ET CONVENTVI sancti Germani Antisiodoren.

Epiſt. 181.
In cuiusque iis quod lacrum caritatis & o-
rum arque confectiones ab alio catholi-
co Episcopo ac-
cipere liceat, si
Antisiodorenis
gratias impari-
turi.

Ex multiplicitate querelarum vestiarum, quas adversus fratrem nostrum Antisiodor. Episcopum propositas a vobis audivimus, ipsum monasterio vestro usque adeo arbitramini infestum, ut per eum (sicut dicitis) sine difficultate non possitis pontificalia percipere sacramenta. Nos autem, quibus imminent universorum necessitati prospicere, volentes vobis ex ministerio suscepisti regi-

minis providere, ne pro duritia ipsius Episcopi defectum in talibus incurritis, praesenti vobis scripto duximus indulgendum ut si memoratus Episcopus a vobis humiliter requisitus, christina, oleum sanctum, consecrationes altarium, seu basilicarum, benedictionem Abbatis, & ordinationes monachorum qui fuerint ad ordines promovendi, gratis & sine pravitate vobis indulgere noluerit, vel malitiosè distulerit, liceat vobis alium, quem malueritis, catholicum adire Pontificem : qui auctoritate nostra fretus, vobis, quod postulatur, indulget. Indulgamus etiam vobis, ut si quando homines monasterij vestri vinculo tenentur excommunicationis astrikti, pro eorum absolutione praefatus Episcopus vel quilibet alius potestatem non habeat pecuniam extorquendi. Et si in eos, quia propter hoc pecuniam non exsolvunt, ecclesiastica fuerit sententia promulgata, eam decernimus auctoritate apostolica non tenere. Nulli ergo &c. Datum &c. ut supradictum, xvii. Kalend. Iunij.

LINGONEN. EPISCOPO.

Icet juxta testimonium veritatis necesse sit ut veniant scandala, quia tamen secundum idem *Vae homini illi per quem scandalum venit*, dolemus non modicum, cum inter viros ecclesiasticos, qui pacem evangelizare tenentur, seditionis alicujus materia pullulat, litigiosorum incentiva subcrelunt, cum in Ecclesiae

Epiſt. 182.
Quod contro-
vertiā inter
ipsum & suum
Capitulum
exortam gra-
vatē audierit,
& utrique parti
certum agendi
terminum praes-
figit.

corpo omnia debeant in vinculo pacis & unitate tractari. Quamvis autem super quorumlibet ecclesiasticorum viorum discordia plurimum doleamus, majori tamen dolore concutimur, cum vel pater in filios, vel filij seditionem suscitant in parentem, & illos discordia dividit quibus ad unius Ecclesiae obsequium depuratis deberet esse cor unum & anima una. Sanè cum tu Lingonen. Ecclesiae caput existas, dilecti autem filii Decanus & Canonici Lingonen. sint membra ipsius ac tua, tanto vos vellemus ad invicem caritatis vinculo conniri, ut vicissim vestra onera portaretis, & tu membris dolentibus condoleres, & ipsi suis tibi vicibus in unitate spiritus deservirent. Verum (sicut accepimus) inimico homine superseminante zizania, tanta inter vos discordia est suborta, ut dictis Canonicis te coram venerabili fra-

N. iii